



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 96-сса шин.

12+

«ЗАРЯ»

Нюжмар
29 ноябрь
2019 ш.

№ 49

www.zaria-online.ru
gazetazary@mail.ru

Депутатнал кьайгьурду

Агъалий кьамул бунни

Ноябрьданул 25ний Лаккуйн увкӀунни Дагъусттан Республикалул депутаттурал Собраниелул, миллатирттал дянивсса аралул, жяматийсса ва диндалул иширтталсса буллалисса комитетрал член **ЖахӀпар Абуев**.

Му учӀаврил савав райондалул агъалий кьамул бувну, миннал мурадлу лаласаву, биттур бансса кумаг баву дия.

Ва кьини депутатначӀан цинярдагу 8 тӀалавшин дуркӀунни агъалиная. Мукун, Гьумук ялапар хъанахъисса **Марина Хизриевал** тавакью бия Гьумуксса оьрчӀал библиотекалул луттирду ласунсса кумаг баву. Депутатнал ххуйну вичӀигу дирхьуну, цала жиплива арцул кумаг бунни оьрчӀал библиотекалул луттирду ласун.

Гьумук ялапар хъанахъисса, КӀулушацӀрал СПКлул член **Ильяс ХӀажиевлул** бувчӀин бунни СПКлул аьрщарал заллушиву чӀалачӀи

дайни (разграничение) кадастрданулсса байсса инженернал гъалатӀ ита бавбавхӀуну захӀматшивуртту хъанай душиву. Депутатнал махъ буллунни му иширая



къуну бушиву. Мунин бувну СПКлул Бабаюртуллал райондалийсса аьрщарацӀун

цӀухху-бусу, тӀалавшин дан РДлул аьрщаралсса ва хъуллалсса буллалисса мини-

стерстволия.

ОьрчӀал багърал мюрциминнал группардавун заназисса оьрчӀал нитти-бутахъал чулуха бувкӀун бия Гьумук ялапар хъанахъисса **Рабият Джалаева**, ми группардаву цин гъили дансса

сунни цин гъили дуллансса кӀива водонагреватель.

Райондалул кказитрал хъунма редактор **М.Мусалаевлул** тавакью райондалийсса ахӀвал кӀюласса кулпатирттан райондалул кказитрал подписка давриясса бия. Му иширан кумаг бантӀишиву кӀицӀ бунни ЖахӀпардул.

Гьумук ялапар хъанахъисса **ХӀасанова Муслиматлулмур** тавакью бия, цила лас ХӀасанов ХӀасан МВДлий зий ивкӀун ухьукун, ялапар хъунсса кьатлун кумаг байсса сертификат ласаврин кумаг ба тӀисса. БувчӀин бунни бавтӀун бушиву аьркинсса циняв документру. РДлул МВДлий, райондалул ОВДлий кьулагъас дуллай бакъашиву. Депутатнал махъ буллунни хъириу уккан.

Гьумук БурхӀайсса 3 зивуллул лахъ кьатраву ялапар хъанахъисса **Зумрут ХӀусайновал** тавакью бия, цичӀара каши дакъахъувкун, кьатлул чӀалачӀин ххуй дансса кумаг баву.

Депутатнал цала жиплива кумаг бунни тавакью биттур бан.

Перепись

ТӀайласса перепись - хьхьичӀунмай хъунсса ххуллу

КӀулсса куццуй, 2020ку шинал октябрь зуруй жула билаятрай дуллалиссар Щалагу Аьрсатнавусса инсантурал перепись (аьдад кӀул баву).

ЦӀанасса чӀумал най дур мунинсса хӀадуршин. Му цукун най дуссарив жу, «Ххяххабургил» редакциялул цӀуххарду пачахӀлугърал статистикалул

федерал кьуллугърал «Лакрал район» МРданучӀасса хъунмур специалист Шагъважи Куччаевахъ.

-Шагъважий, цукун хӀадур хъанай буссар жула райондалий Щалагу Аьрсатнал халкъуннал перепись даврин?

-Переписьрайн хӀадур хъанай, нанисса шинал июньдалий райондалул администрациялул сакин бувна муниха зунсса хасъсса комиссия. Муний каялушиву дуллай ур «Лакрал район» МРданул бакӀчинал 1ма заместитель Абакар Кьюннуев.

Агъалинал перепись даврин ххуйну хӀадур шаврил, му багъайкун тӀайла дуккавил хъуннасса хъар дагълагъиссар шяраваллал администрациярдал бакӀчитурайн.

Гьарца миннайн багъайсса буржуу цила чӀумал ва ххуйну биттур баншивул гьарца шяраву ца-ца жаваб дулунсса, даву дансса инсан личӀи ан аьркинссар.

Переписьрал даву ххуйну

хъуншивул гьарца шяраваллал администрациярдала сакин бувну буссар мунинсса комиссиярдугу.

Чара бакъа диклан аьркинсср гьарца шяраваллил карта, чӀалачӀи дурну шяраваллал административ дазурду, кьатрай бивхьуну сияхӀрал тарихру, кучардал цӀарду чирчусса ултти рирчуну.

Переписьрал даву аьмну ххуйну ва саргъунну гъаншивул шяраваллал администрациярдал гьарца кьатлулу цӀанара дан аьркинссар хьхьичӀуннайсса хӀадуршаврил перепись. Ххалдигъин аьркинссар кьатрал жужирдал тагъар, «Парус» программалулалсса дахӀлаву, гражданта лага-бучӀаврил хӀучхарду, миграциялул тагъар ва м.ц.

Мунияту, ва хъуннасса, жаваблусса даву дулланшивул гьуртту бан аьркинссар цала шяравусса жаваблусса агълу, цивгу хъанахъисса переписьчиктал, комиссиялул члентал.

-ХьхьичӀмур перепись-

рах бурувгун чӀарусса дахханашивуртту дурив ва переписьраву?

-ХьхьичӀмур перепись дурния мукьах чӀарусса дахханашивуртту хъунни жула хӀукуматрай. Ва переписьрай хӀарачат бан бур тӀайласса, балжисса ккаккяртту, бумур чӀалачӀи бан. Мунияту ва переписьрайн хьхьичӀмуняй ххуйну хӀадур хъун багълай бур. Мукун хъунсса шартӀругу, цимурцагу дуссар жучӀара. Масала, опыт бусса, зун гъира бусса, хӀадур хъусса зузалт.

2020ку шинал переписьрая хъарну дуссар хӀукуматрал 10 шинал мутталийсса давуртту. Агъалинал аьдрах бурувгунни рйоннал бюджет ита бакъинтӀисса, цайми давуртту дантӀисса, кумаг буллантайсса ва м.ц.

Жула агъанмур мурад экономикалул, социал масъалартту цил багъайкун биттур хъанахъаву, миннуя халкъуннал хавар биклаву.



ВСЕРОССИЙСКАЯ
ПЕРЕПИСЬ НАСЕЛЕНИЯ

Шадлугъ

Ниттихъал кьини
к1иц1лаглай

Хъинну х1урматрайсса, яла ххуйми т1ит1аларду цан чан къахъуннав т1исса барча бавуртту, ч1а учавуртту къамул дуллаи бия ноябрьданул 23ний райондалул культуралул къатлун бавт1сса, ч1явусса оьрч1ру бусса хъами.

хъаннил жяматийсса советрал зузалтту.

Райондалий каялушиву дулалиминнал, депутаттурал ц1ания ниттихъул байрандалушчал барча бунни «Лакрал район» МРданул бак1чи **Абакар Къюннуев**ул.



Миннал х1урмат банса шадлугъ хас дурну дия дунияллул дянивсса Ниттихъал кьинилун.

Дак1нин бутарча, ниттихъал кьинилул байран Аьрасатнаву к1иц1 лагайссар гьарца шинал ноябрь зурул махъра-махъ-

-Дак1нихтуну барча буллаи ура инсаниятрал бач1и - ниттихъул, хъами Дунияллул дянивсса ниттихъал кьинилушчал. Райондалул хъаннил жула улча хъхъич1унмай бавриву хъинну хъунмасса бут1а бивхъуссар.



сса алх1ат кьини. Гъашину му дагъунни ноябрьданул 24нин. Цивппагу му кьини хъунмурч1ин барча байсар ниттихъул ва лякълуву оьрч1 бусса хъами. 8 мартрал байраннив дагълагъиссар циняв хъами-душваран.

Ва кьини культуралул къатлунун оьвкуну бия ч1явусса оьрч1ру бусса, мушакъатсса оьрч1ру ябуллалисса, цивппалу ливч1сса хъаннин. Ва давриву гьуртту хъунни, мукумма, опека ва попечительстволул, ЗАГСрал,

Ц1анагу ч1ярусса давуртту дуллалиссар гьарцагу оьрмуллул бут1уву. Ниттихъахъри бусса хъунмур бияла инсан мяърипатрай, узданну тарбия авриву, личность хъун авриву... Ч1ат1ий ура зун ххаришиву, ц1уллушиву, талих1 ва тирхханну, - увкунни ванал.

Ниттихъал дак1ру ххари дунни культуралул къатлул зузалтрал х1адур дурсса тяхъашивурттал, балайрдал, ч1аучавурттал.

Зул дак1ру мудан ххарину лич1аннав!

Миллатрал программарду

Агъалинал багъу-бизу ххуй баншиврул

Агъалинал багъу-бизулун мюнпатсса, шяраваллал жяматирттан бигъашиву хъунсса строитељстволул давуртту хъанай дур гъашину райондалий. Вайксса ч1ярусса давуртту цал арх1ал дачин дурсса шинну хъхъич1уннай дирк1шиву къак1улли.

Щала билаятрай, республикалий кунна, жуч1арагу шуруй дур «Комфортная городская среда» т1исса ва агъалинал сиптардайн,

«Жагъилтурал парк», Гъумуксса хъунххуллул чулуксса агъалий бачай ххуллурду (тротуарду). Вара программалин бувну гъашинусса шинал ахирда-нинин дурну къуртал дан багълай бур Гъухъаллал къурнил байбихъулий Арка (къапу) баврил, Ханмюртазааьлин хасъсса гъайкал дакьин даврил, Гъумучиял хъунмур паркраву бакьин бавуртту даврил, Гъунч1укъат1ув спортзал баврил

лай бур Къурул-Лахъир-Хъунайми шяраваллавун, Хъурхъ-Щарав щин дуцаврил давурттугу.

Ц1анасса ч1умал шарчуну най дур Ххюлусмавсса ххуллу капиталныйну бакьин баву. Гъумуксса школалул виваллил давуртту сайки къуртал шавай дур. Школалул х1аятраву, лагма-ялтту ч1ярусса ххуй ч1юлу баврил давуртту дунни.

Сукку хъуну дур рай-



т1алавшиннайн бувну дачин дурсса программарду. Ми дакъассагу най дур цаймигу республикалул, федерал даражалыйсса давуртту. Масала, Гъумук школа баву, Хъурхъ-Щардал чулукунмайсса ххуллурду, ламурду булла-лаву, Ххюлусмавсса ххуллу ва м.ц.

«Комфортная городская среда» программа най дур 2018ку шиная 2024ку шинайн дияннин. Му проектрайн бувну бувссар

давуртту.

Дур гъашину проектру дурну ялунч1ил дайди-шинсса давурттугу. Мукун ялунч1ил дуллант1ий бур Ттурч1айнна зунттуя Гъунч1укъат1ув, мичагу Гъухъаллал мах1лалин щин дуцаврил давуртту. Ва даврил проект дан харж хъунт1ий дур 13 млн. арцул. Щинаххуллул лахъишиву 26 км, щала даврин ккаккан буллаи бур 260хъул миллиону.

Мура шинаву дан багъ-

ондалин т1абиабтрал газ буцаврил давурттугу. Гъашину хъунмур къулагъас проект давриха духъурча ялунч1ил ва ишираха цил багъайкун зунт1ишиву бувч1ин буллаи бур. Циван чирча, газ буцавринсса арцу республикалул бюджетраву ккаккан дурну дунт1ий.

Щаллуну къуртал хъунни «150 школа» программалин бувну Ч1урттациял ва Ккурккуллал школартту ц1убуккан баврил давуртту.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 702 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

*Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.*

К1уллив вин закон?**Зузи к1ану лавкъуминнан**

Зузи к1ану букъан бувну (сокращение) даву дакъа ливч1миннан х1куматрал буллалисса напакъа хъанхъиссар мукуминнан социальныйсса кумаг баву. Амма му булайссар цила ч1умал сиях1райгу авц1уну, аьркинсса шарт1ругу дуручирча. Сократить хъанхъисса инсаннан булун аьркинссар кумаграл пособие (выходное пособие).

Му булаврил низам, лагру, къяйда укунссар.

«О занятости населения Российской Федерации» т1исса 1991ку шинал 19мур апрельданий итадаркъусса Федерал закондалул ккаккан бувну бур к1ай масъалартту цукун щаллу шайссарив, ци низам дуссарив.

Даву дакъа ливч1сса ин-

санта (сокращение хъуну) х1куматрая напакъа ласлан бик1айссар сиях1райн ласайхту бакъача, давудул миннан булайсса х1акъ (выходное пособие) бац1ан бувния гихунмай.

Миннул низам ц1акъ дурну дуссар РФул Зах1матрал Кодексрал 3мур статьялул. Сокртить хъуну даву дакъа ливч1миннан булайсса напакъалул лагру хъарну дуссар ч1авусса иширттая. Амма кумаг т1алав буллалисса даву дакъултран му булун аьркинссар, цанчирча мукунсса кумаг аьркинну бунут1ий цамур даву льякиннин.

Чуври пособие булайсса?

Зузи к1ану лавкъуну ливч1сса даву дакъултрансса пособие булайссар, агар му даву дакъултрансса булла-

лисса центрданий сиях1рай авц1уну ухъурча. Даврия мурахас хъанхъими сиях1рай бавц1уну къуртал хъун аьркинссар 2 нюзмардул мутталий. Му ч1умал миннаща шайссар, даву дакъултрал центрданул бувсса х1кумулин бувну, даврия лавгун махъ шамулчинмур зурухссагу пособие ласун, цамур даврий зий акъахъурча.

Центрданий сиях1рай ац1аншиврул дуруччин аьркинссар ккаккан дурсса низам. Хъхъич1а-хъхъич1 бат1ин аьркинссар документру. Аьркинну бухъурча центрданул мукунсса инсан цамур пиша лахъхъин гъан уллай ур, жяматрал давурттай ч1умуйсса зузи уллай, даврихун ичинсса иш булла бур. Ми т1алавшинну къадуруччин инкар буллалими учетраягу лиххан бувну, пособие булавугу дац1ан дан

ккаккан бувну бур. Му бакъассагу гъарца зуруй к1ива базилух буч1ан аьркинссар центрданий къулбас дан, даврий авц1усса, къаавц1усса к1ул хъун.

Цукунни сократить увсса даву дакъу сиях1райн ласайсса?

14 гъантлуял ч1ал къавхъуну му цала документирттащал центрданий уч1ан аьркинссар. Муния муках 11 гъантлул мутталий му сиях1рай ишайссар, ва дайдишайссар муна даву льяжаву. Агар ЦЗНдалул зузалал ххал булла 10 гъантлул мутталий зунсса к1антту къалякърча, му даву дакъуну сиях1рай ишайссар.

Яла, даву дакъуну тасттикъ шайхту, муна бишайссар пособие. Амма, пособие булаву дайдишайссар хъхъич1 зий ивк1сса к1анттушалсса х1акъи-х1исав щаллуну дайхту.

1 декабрь - Щала дунияллул СПИДращал талатаву дайсса къини**СПИД - дунияллий яла оьккимур азар!**

Декабрьданул 1ний щалагу унияллий клиц1лагай СПИД-азаруннищал талатаврил къини. Ва азар ккалли дулла бур дунияллий яла оьккимур азару. Хъхъич1ра-хъхъич1 СПИД-дунияллий ялун лирчун дур 1981ку шинал Америка наву (Лос-Анжелес ва Нью-Йорк шагърурдай). 1982ку шинал му азаруннин ц1а дирзун дур - СПИД (синдром приобретенного иммунодефицита), яла, 1986ку шинал - ВИЧ

(вирус иммунодефицита человека). Ва азаруннил къашавай шайхту, инсаннал чурххал азардащал талатаву (иммунитет) зия хъанай дур, хъхъарасса азаруннищалвагу талан къабюхъайсса бур.

Х1акъинусса къининин, СПИДрал къашавай хъуну, ливт1уну бур дунияллий 26 миллион инсантурал. Гъарца шинал дунияллий СПИДрал ц1уну къашавай хъанай бур 15000 инсан.

ВИЧ инсаннайн лахъайсар оьгтуйхч1ин, спермалуш, ниттил нак1ливух. Ц1анасса ч1умал ва азар яла ч1яруну лахълай, ппив хъанай дур инсанта «вявлийну» х1ала буххаврийну (половой), хъирив ххалаххайх (шприцрайхч1ин) наркотикру рут1латини, хъирив - оьгту бутлаврийну, ккарчив дуккай кабинетирттаву цил багъайкун марц1 къабувну инструментру ишла бувну.

СПИД хъинну гъартану ппив хъусса эпидемияри,

20мур, 21мур аьсрулул чумари. Гъарца шинал 1мур декабрьданул къини т1айла дуккайссар мунил ливт1усса миллионну инсантурансса дягъулул къинину.

СПИД цалчин сукку хъуну

лурду хъун даврин къарши дуккан къашайссар. Мунияту цайми инфекциярду, ракрал дурухлурду сукку хъун бюхъайссар. Вирус оьгтуйхч1ин, спермалыйхч1ин, ниттил нак1лийхч1ин цанная



цаманайн багъарчагу, ка дургъуну, т1ах1ни-к1ич1у ишла дурну, ссих1райхч1ин къабагъайссар.

Агар ВИЧ инфицировать бувну, льякълуву оьрч1 буми цила ч1умал хъин хъанар-

ча, мукуминнал бувсса оьрч1ал 98% вирус бакъасса шайссар. Яла ч1явуну СПИДрал къашавай хъанай бур гомосексуалистал, бьякъуну, вяйливну оьрму бутлатими, наркомантал, хаснува туннурдавун наркотикру бутлат1ими, чапалми.

Ч1явуми оьрч1айн ва азар лахълай дур къашавайсса ниттихъая.

Къашавай шаврил аьдраву 2мур к1антту бугълай бур оьгтуйхч1ин азар лархъсса оьрч1ал. Миккува учин вирус чурххаву яхъун бюхъайссар 10-12 шинай.

Цалчинсса къашавай шаврил лишанну цайми къашавайшивурттайн дутларча, миннух къулагъас къадарча азал аргъирайн дияйссар, яни СПИДрайн к1ура даяйссар.

Мунищала к1улу бик1ан аьркинссар ва хъин дан къашайсса азарданул бувгъу-миннащал дак1 лахъи дан, буруччин аьркиншиву.

Рукъижат Щурпаева, х1акин.

Лакрал халкъуннал учаларду

Цаламиннал х1урмат къабайманан, цайминналсса бувагу къабайссар.

Ниц1авух дуккарча, ххаржандалингу ланц1 учайссар. Вихра вич1и дихълай бакъахъурча, къац1 лавкъуну щяик1у.

Шамила ц1а дарча, ттукул шулуvgу т1анк1а т1ун бик1айссар.

Ина цулч1а бухъурча, на мунил магъра.

Агар вила х1акъсса дувс ухъурча, мунач1ансса жегъирххулул уртгун къататан заназу дувснач1ан.

Дишин к1улу диширча, хъхъириугу ц1у лач1айссар.

Арцу дума аькълу бусса, дакъама ах1макъсса.

Льякълун къаччимур ч1илари.

Щарссанин ччан бик1арча, ттукуягу адимина айссар.

Дач1расса урц1ух дуаь къадайссар.

Чал магърац1ун лач1урча зунтту битант1иссар, ттукул магърац1ун лач1урча ахъния агъант1иссара.

Зеххин хангу уч1ант1иссар, дулун мунал дучри ябувагу къауч1ант1иссар.

Дувс ан бигъассар, яан зах1матссар.